

遊天堂洞 歇馬尋幽洞披霞挹衆芳泉香移酒味草色入詩囊外窄疑無路中寬覺有光棋平〔木旁〕敲石几眞不讓天堂 嘉靖七年春仲望日新安胡松識

右幅寬三尺有餘高半之刻於巖口

上有天堂今日開掃塵乘駿鑿梯來○得見虛靈本念念思消煩惱災罇地金獅降伏法對爐石佛坐○懷妙高眞境都遊遍一竅通天更異哉 大明正德辛未上元日括蒼李瑾識

右幅在天堂洞口寬二尺餘高半之書特瘦健近橐古字模糊者三

遊龍潭洞 何年鬼斧山根折醉後登臨眼欲花龍子洞中奮金甲石芝巖畔抽玉芽風林晝靜飄紅雨鳥路春深入紫霞長嘯一聲山月小茫茫天地眞無涯 嘉靖七年春仲望日新安胡松識

詩刻岩內龍母廟壁按胡公益同日歷遊三海通天諸巖而至是者可謂暢矣刻法俱用雙鈎

是巖洞幽詭倍於他洞蓋隱淪於數十年之前者甲午始得主人經其處主人憂旱媿余未遑作賦爲之略志歲月同行者何靈令照○臣也〔似是儀臣〕

右幅亦在龍潭洞書跡甚草或醉後題也查志無何令照者俟考以上舊志

### 靈山縣志

人物志

二一九三

廣州黃黎巷新中華承印

靈山正續志卷二十壹上生計志

農務類 水利 占驗 田功 蠶桑 植物 動物

生計

天地之大德曰生經政者上之爲民謀也生計者民之自爲謀也廼者外洋交通日講求務農通商惠工諸策吸我脂膏有志之士始以振興實業爲亟凡農工商業豈不講求專門以救貧弱亦以處人滿物競之衝所以求戰勝於經濟者富民即以強國也靈雖僻處田土肥沃山林深密種植畜牧宜亟講也南距海三百里而近北枕西江半日可達運輸便利工藝商業宜並營也爰合農工商務創立生計壹門俾守斯土者藉以倡因導之方生斯土者舉能究生存之策以足國以裕民指顧問耳志生計〔續志〕

農務

班固變平準爲食貨蓋兼農末言之洵一代之鉅政已顧溝洫一志後人議之豈不以志之爲體當相時地之輕重緩急耶宋史食貨志有河渠農田各門吾靈區區一隅固不足以語食貨之全而郡志由農及桑要亦連累言之其實廉人之種桑尠也豈土地各有宜歟抑男耕而女可無織歟明黃佐志謂廉民性樸而生計拙以此今撮爲農務一志先之以水利終之以物產其間晴雨之課肥穰之別人力之至與不至胥縷舉焉

焉使生茲土者思物力之維艱知逸彥之當化則美利之自然者共撙節之農事所資用者悉樹藝之民勞則善心生異日孝弟力田之科不於是選乎晉太尉陶侃都督荆湘間雅重農務是以百姓勤於力作家給人足此亦良有司之責也〔舊志〕

按舊志農務列爲專門茲就原志以氣候人地文加蠶桑一類〔續志〕

水利

〔以▲代陂〕

鳳凰陂東平都縣東十六里

鳳凰塘縣西一里

綠蘆塘下武安鄉縣西三十里

樟木▲東平都綠水村縣南十里

團獵塘上寧鄉縣西三百里

黃塘▲武安鄉縣南五里

燕塘▲勞岳都縣南二十里

梁官塘縣南五里

上姚官塘上武安鄉縣南五里

石▲洪崖都白水塘村縣東北八里

盤龍壩宋泰鄉縣東七十里

下姚官塘上武安鄉縣南五里

馬槽▲勞岳都縣西四十里

石井▲永寧都縣西北一里

化龍塘宋泰鄉縣東七十里

閉屋▲思林都縣西四十里

高橋陂東平都縣南十里

上下車塘縣北九里

新塘上武都縣東八里

軍屯陂祿壽都縣西南六十里

### 靈山縣志

生計志

式百九四

廣州黃黎巷新中華承印

盤石塘縣東一里永寧坊佛子塘村

大潮江陂勞岳都縣南二十里

捕鷄塘上東鄉縣北二十里今變爲田

馬陂上武都縣南十里

集石陂縣西南四十里永平都

勝塘那隆練縣西一百一十里

中心▲縣西南四十里永平都

七斗陂縣西南四十里勞岳都

舊州新塘舊州練縣西一百二十里

南華塘檀墟縣南四十里

壩▲縣西南九十里壩▲村

馬頭△縣西南四十里永平都

六東霸〔土旁〕秋風練縣西一百七十里今入欽

農務先以水利即周禮遂人治野必詳溝洫之義也後世溝洫河渠等志於是昉焉前志載凡二十有四而新增者九著名者絕少郡志所謂廉人不講水利早潦一聽於天此也予謂地實使之蓋靈人多負山而居鮮大村落族不能聚又人情見小利忘遠圖無有肯捐數十畝之地以築堤防者故平衍之地反瘠附山之田反饒山田循麓而上則水源可接廣尺深尺爲溝一流已不竭用力少而利澤倍也鄉人謂蓄水之小者曰圳大曰霸〔土旁〕堤曰基故云霸〔土旁〕基塘基然以塘瀦水之利其大者莫如舊州練新塘村之塘其塘廣約積二萬餘步畝約一百計資灌者約以千計乃拔貢盧錫之祖

廩貢爛彰所築者然此亦數十年前所規畫事今人衆議紛恐不能出全力以副之矣地之平迤而溪岸深溶者不能作陂築壩〔土旁〕則有水車之製焉法先截水爲梁梁水急則激輪輪編以竹竹〔從甬兩個〕用竹竹〔從甬〕隨輪轉至頂則覆於槽高自一丈至二丈餘廣亦如之次有以足踏車者槽高七寸濶四寸三分葉長損二分濶之損亦如之龍骨長較槽增一寸五分用二人或四人踏其軸軸轉而輪隨葉即轉水由槽流注於田或用牛兀〔木旁〕於繩繩繫於梁梁有盤盤去地五寸許以牧童驅之省通謂之龍骨車大抵車之長短視水之陡平相機製之無定數也前周大守碩勳造式示民繪入志今多倣其製而蒙其利云

以上舊志

塘

〔以代壩〕

舞珠卑〔土旁〕在那隆練百子橋下又石背練雙板橋上亦有舞珠卑〔土旁〕

塘表陂在那隆墟南十里

獅子在那隆練舞珠卑〔土旁〕下二里

棠梨 暗麓 木荔 黃葉 木頭塘 沙田陂 溶木 秦火洞

狗肚 陂肚 大 紅菓頭 五桶 龍灣 以上在龍淵甲內

### 靈山縣志

生計志

式百九五

廣州黃黎巷新中華承印

府靈大 保子村大 旱坡 狗土 子牛 以上在府靈甲內

鵝兒 大衝 大澗 木棉 六替 旺冬 根竹 樸子 北

靈 馬草霸〔土旁〕 以上在石塘練內

阿 塘在石塘練六吉村 望天塘在石塘練洞心舖東 六吉塘在石塘練六吉村

兆庄塘在石塘練兆庄村 井塘在石塘練井塘村 小深湖在官屯練潭密塘表

水車

水車那隆練老虎灣四 梯齒灣五 平埠渡二 那隆墟背二 木棍埠一 車平埠一

武利練南昌橋上十八

水研

水研那隆木棍埠一 車平埠一 那隆墟南四 碧江灣一 並〔水旁〕塘陂一

三隆木頭塘一 涼水井一 雷公塘村一 碗窰澗口一 吉突嶺一 大塘小江

一 滑石江一 石花嶺一 下流江上下二 生鬼灘一 亞鷓局小江二

按邑中塘壩水車水研約計不下數百此僅據採訪所報錄之非謂全邑止此數也

又按邑自前二十年始造水研今則大江小澗四處遍設凡近江溪諸村盡廢人力龍

〔石旁〕春力省利多或附設於水車尤爲利便其距江溪遠者或設旱研以黃牛或馬

旋轉之雖需牛馬費需人驅策不如水研之利便亦頗省力計水研一日可抵十人之力旱研一日可抵三人之力(旱研不能日夜程功休牛馬力也)亦農學進化之嚆矢也

占驗

元旦喜晴明是日平旦有西風主蟲北風豆有收秋多雨東風麥有收秋勞(水旁)東北風小收民多疫東南風五穀半收六月多風有南風主旱五月穀貴西南風宜禾牛羊多瘴民易病平旦至午無風宜早禾午至暮無風宜晚禾東方起黑雲春多雨青雲民饑多刑獄南方起黑雲夏雨赤雲旱西方起黑雲秋多雨北方起黑雲冬多雨自元旦至人日皆以晴爲佳

立春亦喜晴諺云但得立春晴一日農夫不用力耕田是也雨水日宜雨驚蟄宜雷鳴春分有雨病人稀清明風從南起主大有立夏日有東風端午日有雨芒種日逢雷皆主年豐立秋無雨禾半收處暑不宜大雨秋分有白雲禾稻好若閃電冬米價貴重陽無雨主一冬晴十一月朔有西風主盜賊冬至天陰來歲豐十二月朔有西風六畜災大寒日宜寒俗云大寒不凍冷到芒種立春前一日取春牛坭遇雨曰犯春一春多雨甲子日占春甲子雨赤地千里夏甲子雨搖船入市秋甲子雨禾生兩耳冬甲子雨牛羊凍死(按此言第一甲子下做此)

靈山縣志

生計志

式百九六

廣州黃黎巷新中華承印

丙寅日占是日不宜出太陽春丙寅陽無水撒秧夏丙寅陽乾死禾娘秋丙寅陽晒穀入倉冬丙寅陽無雪無霜

己卯日風占春己卯風樹頭空夏己卯風田頭空秋己卯風水裡空冬己卯風欄裡空甲申日雨占四季莫逢甲申雨大雨米大貴小雨米小貴

立冬日逢壬來歲旱逢壬子更甚並主病災

春秋社日主豐

晚禾怕夜雨早禾怕東風

颶風以颶母爲胎以石尤爲號南方濱海之地多有之其來也拔木擣禾若風雷之警於周野飛砂走石如交(虫旁)龍之鬥於榮門而靈地藏於千峯萬壑之中亦所不免或間歲一發或一歲屢發焉

靈地無雪鄉人亦未見雪故謂霜爲雪霜始凝茅屋生白則曰白頭雪霜飛打瓦則曰米頭雪寒甚而兼雹下樹木爲摧則曰掛山雪實非北方之雪也雪兆豐年以味鹹滲入土則性潤而不枯並殺諸蟲故云雪深一尺蝗入地一丈北方無雪則祈之霜雖不及雪味亦鹹故霜多則來歲亦豐然霜甚則一冬雜植皆彫矣是先失一秋矣鄉人又謂冰爲雪寒之甚吾邑亦有冰結至二三分者日始旭則已融不能着手也

憶吳自北歸下滇江值冬寒甚瞥見空中飛舞狀如鵝毛如散絲至家後亦數數見之始信南雪不到地之說然則冬日江寒而雨者或兼雪也特未至地輒化故人不及見耳按靈之山川脉絡上連西粵故與南海稍別今桂林亦偶有雪云雷發聲收聲或先時不及時皆主病疫

又按冬行春令春行夏令之類皆詳見禮記月令篇淮南子亦及之不具記以上舊志

牛營江有一石牛見則歲豐隱則荒歉又有企人石地記云黃牛大地好平坡看牛細兒唱長歌此之謂也

茶山之頂晨起無霧雖淫雨必晴有霧雖久旱必雨

田功

古稱廉郡土瘠民貧豈盡然歟吾靈重岡疊阜兩岡之間稍坦夷者曰麓麓盡處多有泉接其流以灌溉爲飽水田泉四出而噴薄者經年土不枯厥並〔土旁〕深或數尺至尋丈牛不可耕則手自鋤之並〔土旁〕恒及腰股爲並〔土旁〕田一歲再收曰早晚兩造田早熟後更播種爲翻藁田早種時卽雜晚種下者早收後晚種始出謂撈藁田一熟者曰晚禾田有以晚禾田作早造計其穀數或不如一熟之豐則限於地力然也抱

## 靈山縣志

生計志

二百九十七

廣州黃黎巷新中華承印

朴子云南海有九熟之稻其實皆再熟耳

山之脚開展者爲出洞田平曠者爲大洞田麓水至是則力弱常苦旱下流壅滯又苦勞〔水旁〕如水發浸一晝夜則苗未傷水退後得微雨灌之則泥淤去生益茂如浸滅其項或二三晝夜則根傷日黃而萎矣雖益之以糞無能濟也

靈地向多曠土又不講蓋藏貧者春夏稱貸歲終則盡糶其穀以償之富者每俟青黃不接時始發糶而享其值若大旱則皇皇如也然俗不習商賈一力於農故小有荒歉尙恃而不恐惟忌廣西及省垣販買屯積居奇穀乃大貴耳往者乾隆丁酉戊戌之歲大旱庚子辛丑又大潦民始稍謀蓄聚兼種雜植故今空隙之所各有園圃稍陂側者亦多樹植曰種坡若平夷之坡則疎布密種入夏皆成綠野矣

地平而瘠又苦旱曰坡坡力薄常歲一易或間歲一易新闢者穎實必倍久則勞勞則生不繁歐陽公云久廢之地其利數倍於勞田勞諸刻作榮非也齊民要術云耕尋於勞是也

前時地廣人稀播種後專恃乎天今則各加以糞有用柴草灰草皮灰者卽周禮土化之法也有旁山之田收穫畢縱火燒其傍草草灰因風颺洒入田亦如糞然有以牛骨化灰者力最厚骨多出自粵西吾靈每歲約可售二三十萬斤外此有用猪羊牛馬矢

者卽周禮所謂駢剛用牛赤緹用羊是也然牛糞不如猪猪糞不如牛骨又視其地之肥瘠力之勤惰爲優劣焉有布種以骨灰參〔米旁〕之者有分秧以骨灰塗之者有耘畢而以骨灰潑之者厥收皆倍

糞各有宜鷄糞宜種韭猪糞宜種豆馬糞宜養魚羊糞尤美今人作羊棧多架於池塘非獨却暑亦利其糞也唯猪糞不種菓菓雖盛而蟲則聚矣

耕法先用犁詩稱其耕澤澤是也齊民要術云犁欲廉勞欲再是也每歲收穫後田尙潤先犁一周使禾根反入於土土性温煥則來歲生益茂春分前後相其田之露潤者犁之爲再犁犁後水長二三寸乃可耙耙齒約二三十枚間亦用鐵爲之耙後再犁爲三犁復耙爲三耙以三犁三耙爲上蓋耙多則土皆膩滑能注水也國語云土脉墳起有起之者也傭者或鹵莽從事主人親按土驗之則媮惰遂不能隱云

柄長而口薄曰鈹口薄而潤曰鋤鋤口內向鈹口外向也有內向而口銳且厚者俗曰鶯嘴鋤卽記稱鴉嘴鋤也有狀直如木之亞〔木旁〕者曰禾叉利於反耨也狀似刀而略勾且曲其柄者曰禾鎌利於收穫也稍長大者曰鈎鎌利於薙草也至若垂〔人旁〕作耨叔均作少〔耒旁〕巴〔耒旁〕無齒爲別〔金旁〕有齒爲耙耙而後有耨〔石旁〕毒〔石旁〕焉有歷〔石旁〕罌〔石旁〕焉俗謂之打碌毒〔石旁〕凡水缺用竹器手持其柄

## 靈山縣志

生計志

式百九八

廣州黃黎巷新中華承印

蕩水水上田爲厚斗本公劉舊製也又按鎌取諸廉鋤取諸助耨取諸加鍾取諸重至〔金旁〕言短鎌〔金旁〕言長鎌管子稱農器畢具其名亦難具數也

人力既至雨水復調而禾忽病曰官官〔禾旁〕兩個者有虫在心詩云去其螟螣是也註云食苗曰螣食心曰螟官〔禾旁〕虫卽螟也然食葉者易見故說文云吏乞貸則生螣食心者難知故說文云吏冥冥犯法則生螟螟之食心非自外入自內出者也又按螟似子〔虫旁〕方〔虫旁〕而頭不赤亦非列子之焦〔虫旁〕螟蓋大爲農害者也然沃土之田乃致之瘠者則無慮此此造物之不齊所以齊之云爾

以上舊志

蠶桑

謹按前志農務志中缺蠶桑一類非漏也邑土肥沃上者植穀次者種藍又次種茹高燥者復不宜桑故邑中業蠶者鮮惟太平那香舊州那隆舊州及割入欽之長灘陸屋諸處緣與欽之小董接壤間有業者亦非專以生利也夫大利必歸農桑吾邑江壇廢圃諸地詎無曠土宣統元年縣令馬維驄率邑人創設種植公司計分給桑秧數十萬株隨設蠶桑學堂越數年矣成效未著學堂尋廢風氣之未開耶抑倡導之無術也謹參考府志節錄數條以發其凡俾後之有志興業者有所藉以改良而擴充焉〔續志〕

廉君養蠶惟合浦歸德圖欽州六洞法與外江同

蠶陽物惡水故食而不飲三變而消三七而繭凡六七四十二日

欲知蠶善惡以三月三日爲驗天陰則善又埋馬牙齒于槌下令宜蠶二月上壬日取土泥屋四角亦然

蠶始生似蟻飼嫩葉將眠必勤飼之伺寒暖忌西風孕婦及梳櫛生人飼蠶勿用濕葉蠶筐以荆爲上或用篾編織以戩秤蠶蟻一錢長成則滿筐須先勻配

蠶作繭能隨物肖形是以禁忌最嚴

蠶網與魚網似以備移筐

蠶架每高數寸置一筐

天蠶即蝴蝶蠶一名山蠶初飼番桃羊桃生牛牯鵝腎烏白〔木旁〕諸葉六日而眠七日脫殼八日復食約七日脫殼一遍積六七四十二日結繭

山蠶用秋繭挂起一舉手高勿使風燥至冬節八九七十二日將盡用扞掛煖屋內

九盡則蛾出出畢將蛾拾入筐內蓋之分雌雄各半配之次日將雄蛾摘去輕捻雌蛾腹出溺仍置筐內俟其出子滿暫掛清涼屋樹芽發後移置暖處則出蠶如蟻以籬籬嫩芽連枝插入下濕溝內將筐去蓋墊就籬籬垂枝蠶蟻自緣上就食二三眠後移置

## 靈山縣志

生計志

二百九十九

廣州黃黎巷新中華承印

樹上每眠一次則移之又須置工守護免爲鳥獸虫蟻所傷至四十餘日成繭在樹連葉摘下不可傷其蒂

按此即野蠶吾邑飼以楓葉所出繭謂之魚絲每觔約值洋六七元至十餘元不等秋山蠶以秋繭挂清涼屋其法有收繭選種穿種拴蛾令下子於枝上天熱時宜汲水灌樹下及洒水葉上俟出蟻連枝剪下大抵法同春山惟晚多懶瀆於樹枝柯縛置草或墮蠶地自能復上又草中亦可成繭

山有五忌一高塲〔防食霧生疾或早寒致眠起太遲〕二蟻穴三焦葉四移眠〔須既眠後移之〕五忌人〔如產婦孝服瘡疥污穢人〕

〔以代繭〕  
椿亦分春秋法有潤拾蛾出秋種椒諸法椒者俟一眠起後移置花椒樹上即成椒最佳極貴

練用柴灰取濃汁注半鍋燒滾澆之登實用籬籬葉以石壓沈既熟傾于席上出蛹將殼用溫水洗濯水清爲度晒乾收貯

撚線貴細勻或用軸或用車絡線做穗與桑同

良〔日旁〕綢之法織畢下機擇平坦潔淨舒展晒良〔日旁〕下襯以草上壓以石須見日色否則不亮

繭種類山黃白色蛾米色子微赤初成黑色漸變青椿繭灰色蛾黑花子白色  
蠶初出黑色二眠後黃白三眠後白

籬籬種類大葉〔斛水旁〕名大籬籬小葉斛〔木旁〕名小籬籬紅柞白柞亦名尖葉籬  
籬青杠亦名青杠籬籬又有椿樹即臭椿而以大葉籬籬最佳

種桑法五月取初黑甚〔木旁〕伴柴灰少許輕搓次日用水淘淨晒乾擇肥地畦種冬  
月苗生以火焚之逢春復發鋤去冗苗俟長移栽五步一行每行五步一株

壓枝法擇桑條肥澤者埋入土內自然生根發芽如久旱則離尺許另開小溝以水滲  
入宜平原沃壤不宜土脉赤硬時宜春分前或十月宜天晴和壅宜厚築宜堅土宜肥

接桑法俟桑秧長成用鋸截斷另剪大嫩條兩根各削尖對插入大桑皮內用稻草包  
緊不使風透即發芽接後可一二十年而葉長茂

培桑法三伏以鉄犁犁之砍去浮根以蠶矢或塘泥糞之餘月皆可上糞惟採葉時不  
宜又一法埋龜甲於桑根不虫且〔虫旁〕用桑葉筋燒灰伴蠶矢培桑更妙

修桑法削去小枝剪去枯枝遠枝轉腕回刃向上砍之津脉不洩則葉自茂  
以上參校府志增輯

植物

### 靈山縣志

生計志

卷百

廣州黃黎巷新中華承印

五穀

靈之屬稻田爲多廣東新語謂糴不盡廣西穀其實自靈往也特下穀之埠經廣西耳  
穀之類大抵分粘糯二種

粵志云粘米本出占城靈爲古日南則占城爲外徼得名或亦由此粘一作黏從禾  
從乘俗作添也

粘之類有花粘花殼粘過洞粘濟粘鐵線粘八月粘霜降粘黃粘葉下藏交趾粘百日  
粘大陸粘南京粘黑粘夏至白斜禾粘晚粘香更〔米旁〕大更〔米旁〕早更〔米旁〕

按此隨時異名以米之紅白殼之厚薄爲高下農家有利其先熟者如夏至霜降八月  
白諸種皆應節而熟然夏至粘入炊少飯故價廉於他種唯更〔米旁〕稻須上腴

田種者頗少厥價較昂於他稻云  
糯之類有糯更〔米旁〕大糯花殼糯早糯狗眼糯黃蜂需〔米旁〕斜需〔米旁〕

按陶淵明云多種秫田爲酒則秫亦需〔米旁〕類也蘇東坡云海南秫稻率三五  
歲一變以粘爲飯糯爲酒故糯貴而粘少賤云

稷之類名爲粟有高梁粟黃粟鴨脚粟大苞粟  
一黃粟俗名狗尾粟即北方之黍爲小米有粘糯二種性益滯貧者春粉作粥或入壹



〔米旁〕然不能作恒餐也  
麥之類有大麥小麥三角麥

三角麥即喬〔麥旁〕麥類大麥俗稱禾麥然作麵亦不如北土蓋嶺南麥花夜開故也  
且稻豐則麥必歉造物無全功信然

菽之類皆名豆有大豆黃豆黑豆綠豆三收豆

豆之價倍於穀用糞多而性畏旱旱遇出甲時則顆不滿而豆實稀但其糞力未盡次  
年種坡禾必佳又按雪豆刀鞘豆河蘭豆皆入蔬類

以上穀之大凡與四方所有亦畧相似故不詳註

以上舊志

大糯米以邑之龍府甲爲土產粘米以莪眉白水雷且等村爲佳更〔米旁〕糯更〔米  
旁〕粘龍府甲有之

菜茹

蔬之屬有葱韭芥蒜莞萎苦蕒甘〔從波〕蕘菜椿菜油菜白菜甘〔從同〕蒿菜芥蘭蘿  
蔔生於水者有蓮藕茨菇〔按又有蒴薺〕

瓜之屬有王瓜苦瓜南瓜西瓜茄子曰矮瓜東瓜稍瓜水瓜蒲瓜匏瓜南瓜曰金瓜水

### 靈山縣志

生計志

卷百零壹

廣州黃黎巷新中華承印

瓜名絲瓜餘俱常饌不註

穀之外有薯卽諸曰番薯紅白二種有人面薯人頭薯鷄蛋薯大薯葛薯諸薯貧者雜  
米炊飯亦入意〔米旁〕番薯有紅白二種或以代蕨粉但其味相去遠矣葉可作蔬苗  
可食猪牛人頭薯一二年後大可至數十斤

有芋芋有早芋晚芋天星芋

諸種喜新地山居者先闢地薙草代糞或以火化草則地力厚而芋倍大絕大者曰  
芋魁若種於熟地則分畦以水注之

復有花生有甘蔗

二種前志以花生入果部甘蔗入草部然花生苗蔓鋪地子結土中則似果而非果  
子炒味香而潤入脾與檳榔同嚼立化性相尅也子榨爲油油今盛行可通省垣

蔗之類有甘蔗竹蔗

蔗漿可消酒可煮爲糖司馬相如樂歌曰太尊蔗漿析朝醒杜工部詩云大官還有蔗  
漿寒皆言漿也以漿煮數沸則凝爲糖糖今亦甚夥行至省會肇慶志云始於閩人浮  
連種之今利侷於閩潮郡志云葱糖極白而無滓卽白糖也今縣有中紅糖白糖二種  
以上舊志

大苞粟蘿白屬內徧地皆宜

葛薯以檀墟長山村產者佳苦瓜以白花籠產者佳甘蔗以大院三博村爲佳土金菜  
東山脚爲多梅菜平南練亦有種者

### 果實

果之屬有梅李桃柿梨栗柑橙橘柚荔枝楊梅橄欖木鐸石榴龍眼黃皮芭蕉佛手波  
羅五斂黎蒙望〔木旁〕果木賴子捻子油柑子番桃子

荔枝有火山早晚黑葉節核諸種唯附城有黑葉數樹至佳龍眼味甘如密以東坡稱  
之爲荔枝奴故薄之然得爲荔枝奴亦非易易婢去夫人固不遠矣屈翁山云黃皮果  
狀如金彈六月其漿酸而除暑熱與荔枝並進饜飮以黃皮解之故諺云饑食荔枝飽  
食黃皮也柑橙橘柚亦不亞於新會波羅相傳自蕭梁時西域達奚司空携子二枚入  
粵栽南海廟即佛氏所稱優鉢曇也樹無花而果果成後始作花故云優曇花一現實  
生枝間或自根出大如斗重或三四十斤又有其根旁行實旋結於地中者其香較烈  
又有地波羅皮厚而軟刺肉層臺如橘囊亦香甘然香能致蟲既剖越宿則肉不敢食  
之黃皮如小棗五斂即爾正之羊桃或謂酸故名斂曝乾北行中煤毒服之立解楊梅  
有紅白二種味不及江南捻子野生每升僅值一錢油柑子生澗谷中秋冬可食子常  
青而不黃俗云十月油柑熟一時見之者主大吉祥云餘見羣芳譜者不注

## 靈山縣志

生計志

卷白零式

廣州黃黎巷新中華承印

### 以上舊志

石背練多荔枝如西岸功高峽嶺塘柑子塘風雲均所在皆有近青竹雙板橋新種尤  
多

平山佛子二墟產沙梨青梅

香荔以那隆塘表村產者味清核小如穀粒大檀墟百足嶺次之柑子蕉子以武利練  
所產爲佳黑葉荔多出石背練栗子以茅金水比籠者佳柚子以大麓村爲最佳李子  
以石塘練最佳

平南練岐山多楊梅鷄笠嶺蕉子嶺產莪朮

### 雜植

花之屬有蘭菊桃李梅菜甘〔從利〕素馨木槿夜合杜鵑芙蓉佛桑紫微玉簪風蘭賽  
蘭長春鷄冠鳳仙金錢槿桐石榴南山茶

諸品皆見羣芳譜不具注其有自他方移植者三數年小變至於幽崖邃澗蒙茸甘  
〔從威〕蕤冶艷奪目而不知其名者亦多矣所謂花不知名也自香以此

草之屬有薛荔宜男斷腸長生淡菰甘〔從巴〕落麻葶麻蒿艾茅藍蕭葛薑蒟諸種  
生於水者有蒲藻蘋芹

舊通志載蒟即扶留藤子左思蜀都賦謂蒟醬於番禺之鄉今粵雖產而實不知醬云云粵人以下檳榔拌以石灰凡欸賓必設之又縣中不講種桑家各種麻一區廿（從絡）麻又謂黃麻謂成布色黃也苧麻即禹貢豫州貢苧（糸旁）之苧（糸旁）也左思賦黃潤即生苧也今之疊布成筒越人稱十端曰一筒義本於此苧多自川楚來唯廿（從絡）麻則種者較常根高約可五六尺所謂蓬生麻中不扶自直者以此有子葉可食五六月伐之以根漬水中即詩云漚麻也旬日剝之去其粗皮織而爲麻復紡之乃可織細者亦如葛之軟紋多縐縐云

以上舊志

馬面山茶葉厚而長大背有白色味甚甘涼一說此山界分東西東邊茶尤美云又產莪朮百合黨參近兩年亦有知而採者

茅金茶出產雖多色味不及獅豺嶺泗洲山次之以製作粗而土產亦差也惟價較廉故販者爭赴之

龍淵武陵兩甲農戶前數年家家種藍藍廠四間每日收藍值二三千貫近因外洋硫化靛粉暢銷廉北靛市滯銷製家多歇今所種者不及前之一二有改種黑菸者然土產不如合浦北塞厚美故亦不甚發達

### 靈山縣志

生計志

卷一百零叁

廣州黃黎巷新中華承印

菸葉自新墟堯家步至佛子墟向來每年約栽萬餘斗種田歲出菸葉二三百萬觔今則稍減矣

桐油子多出平南練蔗草出蒙塘村

茨菇以城西門外佳馬蹄以棠梨塘村佳馬蹄即廿（從苧）薺

#### 藥物

藥之屬有益母草天南星車前子石菖蒲金銀花薏仁土茯苓金櫻子山梔子舊志載此爲藥之屬然兩間所有無類不可入藥何乃於草部獨志耶又復以川山甲附之益誤矣

#### 以上舊志

按莪朮爲邑地道之品省中方劑有開靈莪朮者前志未經載入豈當時未爲名產耶（續志）

上東練玉桂油最佳每株常有值一二百元者欽州人多來採買

上寧練雷公巖一帶產莪朮每年外商收買約四五萬觔販至省稱爲靈朮又曰寧朮

極爲出名屬內各山均有三寧界尤多

檀墟練葦蘆山多產莪朮百合半下等藥品莪朮最良故靈肆中稱靈朮（以上據採

訪

森林

木之屬有松楓榕桐楠桂杉樟梓漆棗栗檜栢楊柳苦練烏舅紫荆鐵稜桃榔靈本多  
 山蓄翳茂密不可勝數而材之足資者如鐵稜紫荆等木壽可百年蟲不能朽也次有  
 杉楠亦稱良材近人多種易於生也然松能耐霜雪而不能耐蟲豈〔虫旁〕亦可慨矣  
 桂以安邊得名或言安即欽州古稱安州其實言安南也總稱為邊桂故勝潯桂靈地  
 與安南近故桂亦良然製不得法則油亦不能聚也榕樹多以為社舊通志云以其不  
 材久而無傷其蔭十畝人可息也拳曲不可為器稜理不可為材燒無焰不可為薪故  
 壽是無用之用也莊子云匠石不顧者想即此耳餘不具註  
 竹之屬有筋竹單竹苦竹觀音竹船篙竹鷄竹〔從勒〕竹紫竹馬尾竹  
 竹之為用甚多皮可作篾根可為釘大者分割之可當瓦居山者又以代缶單戶且以  
 禦盜堅厚者製几簞極小者可吸烟初生者筍諸筍多苦澀以水洩之亦可口別有甜  
 筍堪充饌然皆不如浙之冬笋矣

以上舊志

株木何〔木旁〕木杉不產邑之龍府局諸山

靈山縣志

生計志

卷百零肆

廣州黃黎巷新中華承印

龍府局自根竹鼻村迤西至大廟山一帶約三十里周圍約七八十里俱荒山山上土  
 皆紅黃山脚因草灰堆積多屬黑坭多麻石宜植八角桂樹棉樹桐樹茶根等植物  
 樟木爰〔木旁〕木衍木三寧界最多爰〔木旁〕性堅梗有青紅兩種其果核可食皮有  
 毛能刺人

按前縣馬維驄設種植公司植桑及桐各十餘萬株皆無效惟平南梁君定坤自植  
 杉數萬森然彌望可為森林先河

動物

鳥獸

禽之屬有孔雀翡翠白鶴白鳥〔閑旁〕鷓鴣鸚鵡鳥〔矢旁〕鷄山鷄即鳥〔交旁〕鳥〔  
 義旁〕鳥〔交旁〕鳥〔青旁〕鳥〔溪旁〕鳥〔泐旁〕水雅水鴨鸚鵡鐵雀伯勞了哥鳥鴉  
 喜鵲斑鳩布穀勾割倒掛么鳳白鴿牙鷹白頭翁古稱粵多珍禽中州所羨願以囿於  
 方隅而不能北則誠遠莫致之也若其名或見於爾疋博疋虞衡志北戶錄述異記等  
 書不具註

獸之屬有鹿麋鹿〔從京〕甕虎豹豺狼狐狸鼠獺山猪豪猪山羊山牛山嘯猩猩  
 先時靈多山林山居者歲晚則較獵相娛山猪狐狸等為常得黃鹿〔從京〕為上品性

善走不數獲也虞衡志云山猪即豪猪身有棘能振發以射人每三二百爲群害禾稼州峒中甚苦之非也當云豪猪卽俗名箭猪若山猪則與家彘無異但肉粗而味膾耳虎不恒出頻出則占早前兩年四出傷人不下數十未知所徵鄉人多設穿陷之所得之家輒不利獵人或製藥箭射之且善博獵人不畏虎虎亦無如之何也世傳虎有前導之鬼曰俵凡獵人人必自脫其衣問之類然

以上舊志

六畜

畜之屬馬牛羊鷄犬豕鵝鴨

龍府局界諸處畜牧宜沙牛宜羔牛不宜水牛以山多水少村人曹梓曾買少〔牛旁〕字〔牛旁〕十餘頭寄畜農戶以時察視欄之潔否及牛之眼水毛片草口與大小便有疾則採藥調治二十年間生息數百頭獲利甚鉅〔續志〕

水族

鱗之屬有鯉凌何連監骨〔魚旁五個〕鱸鯪鱈鮠斑星草魚

縣距海三百餘里海魚佳者亦至之多奄〔魚旁〕臘者今所錄皆池塘溪澗所有也又粵西橫州永淳等處於水湍之所磊以石魚卵育其中初出時細如針謂魚花亦曰魚

靈山縣志

生計志

叁百零伍

廣州黃黎巷新中華承印

苗常以竹籬貯活水挑至邑中售之輪年可供庖

介之屬爲鼈爲龜爲蟹爲贏爲蚌爲蜆爲蠔

此本易之說卦粵應離爲火也然蟹蠓多自合欽而來五六月蟹始有膏若產於石澗者爲石蟹足有毛但可入菹石螺亦止可入藥而已

昆蟲

蟲之屬有野蛾蛺蝶蜂蟬螢電蛤蛭蜂蟠由〔虫旁〕蜓子子桂蠹天蠶蚯蚓悉〔虫旁〕率〔虫旁〕蚱蜢蜻蜒螳螂吉〔虫旁〕羌〔虫旁〕班貓黃蜂黃豈〔虫旁〕白蟻黃絲豈〔虫旁〕蜈蚣蟾蜍蝦蟆蛤蚧蛇蠅虎蚊蟻

南方濕熱蒸而爲蟲其類蓋有可衣者〔蠶類〕可食者〔蛤類〕可用者〔桂蠹類〕可玩者〔蟋蟀類〕可畏可惡者〔蜈蚣蛇類〕以蛇爲最毒有冉〔虫旁〕蛇厚殼蛇黃肖〔虫旁〕蛇草花蛇白花蛇並〔土旁〕蛇之類雖毒不盡同人咸畏之然予謂蛇傷虎咬皆言前定最毒者莫如白蟻不唯房屋棟宇可以侵蝕即堅如金石亦能洞其腹而陷其邊〔見通志雜記〕此其可憾也然又有憾者於藏書書籍旬日不省視即能蝕碎之至於無可補綴比之蠹魚則爲害猶大矣附識於此

以上舊志

靈山正續志卷二十一 中生計志

工業類 原料附礦物 製造

工業

靈屬山麓層疊物彙蕃昌天然出產之地也自人溺於所習苦窳之具寢以俞(女旁)惰游手坐食之既衆資身無策強者鋌而走險弱者亦相率依附以爲口腹之謀比年寇盜充斥非失業者階之厲乎前邑令閻稟設罪犯習藝所規模粗具頗著成效近更發起舉辦家族習藝之令鼓舞而振興之其間原料若何製造若何因其所己有益以所本無俾之普及貧民雖未即輸出品物與世界爭衡自食其力易耳增進富量即以消弭盜源固本中之本也是所望於主持風化者(續志)

原料

菸葉自新墟至檀墟直落那隆墟一帶俱爲土產而以新墟爲最佳價值較貴藍有草藍木藍皆能製靛木藍植於畦畔草藍喜濕畏陽以腴田有山澗水者種之每四十日刈一次年終獲利視禾倍之南自檀墟迄武利百勞東自佛子平山以至石塘凡有山澗水者俱宜種法治田溝畦以備貯水結棚覆以松枝以蔽烈日鋼鐵石棕黑色邑內諸山所在多有

靈山縣志

生計志

卷百零六

廣州黃黎巷新中華承印

煤砂粒如豆大煤色惟舊州諸山有之

蔗糖爲邑內一大宗四處皆宜廣西糖多用竹蔗靈山獨用甘蔗

竹木所在有之烟墩舊墟最多

香膠木到處有之

酒餅葉有大葉細葉邑內諸山皆有

佛子墟大塘角有白錫鑛前數年有開採者尋中輟

西鄉上寧之英雄山有銅鑛乾隆十一年李作材呈請試採十二年知縣王郁文以距縣寫遠稽查匪易詳請永遠封禁

花石產於六峯之寶障峯上掘土取出片鋸之鑲以架皮置桌上爲玩具頗佳妙值銀自五六元至數十元不等

近又有於城北峨眉等處發見黑精石者與墨精頗同惟易裂難鋸

石灰各處俱有以石龍爲最佳

打鼓嶺山脚有鋼礦小山旱坡浪五冬橋各鑊廠皆資於此

平南練白花寨土質精細經橫州僱礦師採探並携至小江製瓷與小江瓷無別惜無招股開利源者

製造

製烟之法將菸葉撕去筋束成把潤以油創之邑之菸祇能製黃烟揀濃厚者製之得法當可作烟仔惜未有考察者至根子烟熟烟之菸則自合浦之北塞輪來〔續志〕酒之類粘米曰燒酒糯米曰甜酒燒酒極淡者曰水酒次淡曰料半曰雙料至三熬則醜矣好事者或飲四熬五熬則不過數酌而止

燒酒先炊飯以水滌之入麴即酒餅餲作糟糟既發熬之最醜者候水一再熬而止甜酒用米麴與粘異不熬唯滌後置大罌中數日糟既發即可鹿〔水旁〕酒初鹿〔水旁〕者最醇鹿〔水旁〕盡或然糠灰薰之則耐久而不酸

又榨蔗煮糖初揚波亦可爲酒曰糖波酒番薯狗尾粟亦可作酒然須雜米糟拌之乃可口

酒必有麴嶺南不用麴但杵米粉雜衆草葉治葛汁滌漉之大如卵置蓬蒿中蔭蔽之經月而成曰酒餅故劇飲既醒頭熱泔泔以草中有毒也

以上舊志

按近查製酒餅家云先購大葉細葉春末次以大瓦鉢貯水下些小酒餅種〔各處可購未知何藥所製〕次傾藥末及米粉各半入鉢即時發酵隨用手團成鷄蛋式復用

靈山縣志

生計志

卷百零七

廣州黃黎巷新中華承印

大籩貯米粉放入簸轉均勻將出晒烈日中如天陰則須火焙三人每日可得四五十劬利息約售價之半

製鋼鐵及鑊法先將鋼鐵石入爐以碎松皮燒冶若干時則成鐵將鋼鐵石與煤砂相間鋪疊而冶若干時則成鋼如鑄鑊先以坭製模將鋼板入爐鎔化瀉汁入模

製香法於江邊作水碓春香膠木成粉所謂雲碓無人水自春也次以膠水染香骨後撒以香粉搓勻之

製糖先絞蔗出漿絞具或用水或用水爲圓如鼓者二上爲疏齒相齧中名爲槽槽其一橫伸木一長如車轆以牛負而旋運放蔗入夾縫相切處漿自流出俟漿滿一桶傾入鑊煮法用三五鑊同一竈火之猛緩以漸而殺移至三鑊用石灰油少許澆之水量去盡傾入糖床凝成片是謂片糖如製白糖則火候視前十之九傾入漏覆以禾稈漏形如仰鐘下有口以瓦盆承之瀉盡黃汁則浮面處自成白糖每糖水百斤約得白糖四十餘劬其餘仍可復煮成片價稍廉所瀉汁則爲吉水糖價比白糖七之一比糖片四之一

製靛廠須近山間〔水旁〕水以其用水多也先將藍草入池漚若干時俟藍汁盡出將草取出下石灰少許攪若干時俟水清靛沈將清水瀉盡所餘濃汁成即靛

邑中婦女多不自織染均購布附染房染之以貧者無暇富者不屑也惟西鄉各練迫於窮困婦女不知織染以爲大恥故那樓各墟無一染房舖以此

篾織以竹箱竹筴竹藍竹床竹笠爲多所織竹箱竹笠亦頗細滑當可織作篾蓆

邑中多產荔枝有製有乾者設改良製作罐頭亦一宗入息也

靈山正續志卷二十一 下生計志

商業類 商埠 商品 交通

商業

漢武設平準於京師名爲通天下之貨以均輸歛其實貴糶賤買乃與民爭利非與民興利也興利之事莫要於商業外洋以商立國商力所至之處即國力所至之處最爾邑雖不足語此然觀邇來土匪竊發城外鄉落恒恃附近墟市以爲維繫而生計之流通羸絀因之誠以人人爲自謀權利起見則團體堅而勢力愈厚範圍實足以及之也爰立爲專門首注重商埠凡出入之轉輸與往來之利便胥詳及焉並以見所屬以內固有足資營運且爲地方安危所係者值此經濟競爭時代生命財產各相依倚非勝即敗毋庸自棄更毋庸自畫也〔續志〕

商埠一

## 靈山縣志

生計志

卷百零八

廣州黃黎巷新中華承印

邑之商埠以陸屋爲最有關收雜稅爲欽鹽及雜貨卸船總匯本屬邑之那隆練地四隣皆靈地獨剌此墟入欽爭關稅之利不顧疆理且以朦混上峯利之陷人如是聞當日踏勘分界時知縣饒繼志偕總局紳謝煥章等至陸屋與欽牧李受彤議分界事李牧阿馮萃亭宮保意勒總局紳等寫交陸屋墟歸欽威脅萬狀諸紳不得已從之無賣地之實而任賣地之名異哉

武利墟南達郡城水陸俱便蔗糖穀米果實藍定〔青旁〕由此達郡至北海運至香港舊墟爲欽鹽卸載下船總埠又土產鴨及竹木諸器亦頗繁盛

百勞墟那樓墟以當廉邕孔道之衝舊州以當欽鹽轉運之衝故亦繁盛

平南墟當西江起陸下船往來之衝小江之磁器本地之菸葉穀米均由此往本宜殷盛然過而不貯不能興盛亦以非水陸之會故也

商品

輸出之品以穀米藍靛菸葉蔗糖果實鋼鐵桐油爲大宗以莪朮爲名產穀米分銷南北南出武利至郡北出南鄉下省藍定〔青旁〕銷路一出百合四官渡下貴縣達省一出武利抵郡出海達香港惟近日頗形衰落菸葉前十餘年多銷南寧一路近則分銷陸屋至欽蔗糖多銷下武利出海達港果實則四處分銷鋼鐵及鑊銷南寧一路爲多



桐油銷至北海達省港莪朮至省名曰靈朮及〔金旁〕之花心獨圓餘處則否此外如平南舊墟之竹器及刨花木茅金之茶葉雖不暢旺亦能分售各處

查菸葉每年輸出約值十餘萬貫  
輸入之品則油豆麻麵牛骨則綢緞洋貨海味等物油豆來自南寧武緣永淳等處麻麵牛骨以爲糞料亦自南寧武緣永淳賓州諸路運入洋貨一由欽至陸屋起運一由百合四官渡起運一由南鄉起運邇來西江汽輪通行多由南鄉矣海味一由郡城至武利一由欽至陸屋

按前志云牛骨每歲可售二三十萬斤

通過之品則小江磁器由小江經邑城出南鄉或陸屋欽鹽由陸屋過舊州至舊墟平塘江口

### 交通

自邑至南武利墟九十里江可搭船達郡

自邑北至平南三十五里又北至橫之南鄉墟四十里爲西江通埠十餘年來通行淺

水電船上達南寧百色龍州下達貴縣尋〔水旁〕州梧州至省

自邑東北四十里至豐塘又五十里至橫州路通賓州盧墟

## 靈山縣志

生計志

卷百零九

廣州黃黎巷新中華承印

自邑東至平山墟四十里又三十里至合浦之樂民墟又三十里至橫州之百合墟又十五里至四官渡可搭船至省爲運定〔青旁〕下省之埠

自邑東南四十里至三合達合浦之龍門小江張黃各墟南至郡城又三合東達博白

鬱林

自邑西至那隆六十里又五十里至陸屋墟有船可通欽州

自邑西北至烟墩墟七十里又四十里至舊墟〔即陳埠〕有船可達平塘江口出西江

自舊墟北行約七十里至永淳縣

自舊墟西行百二十里至那樓墟又六十里至宣之蒲廟墟臨西江船行六十里陸行

五十里至南寧

自那樓墟西至宣化之大塘墟九十里通上思州

自那樓墟西北至新墟四十五里船行一日至南寧陸行三十五里至那蓮墟又十五

里至良慶墟臨西江距南寧三十里

自那樓墟至百濟墟六十里通欽州

自欽州至小董墟九十里自小董至邑之百濟墟九十里自百濟至新墟六十里自新

墟至宣化良慶墟五十里又三十里至南寧是爲邕欽通道

自北海搭海船過沙江墟又沙江墟至牛料水六十里又三十里至那思墟又七十里至百勞墟又六十里至三隆墟又五十五里至舊州墟又四十里至太平墟又九十里至那樓墟又六十里至蒲廟墟又五十里至南寧是爲北海南寧通道東路又自那思墟九十里至廣隆墟又四十里至陸屋墟又四十五里至上井墟又二十五里至太平墟與東路合是爲西路崎嶇險阻商旅少行昔惟担牛皮取捷徑有行者由欽以船逆流運鹽至陸屋墟卸裝以牛車運至舊州墟五十里復以手車或肩挑至沙坪墟四十里以船載出平塘江口由西江載上南寧是爲欽鹽運路那隆墟與檀墟茅針陸屋各墟通商最便

欽江自邑流至陸屋墟始可通舟有建議開車壩當可通至邑城云

龍淵府靈兩甲之江流均流出合浦三合墟及古笠墟滙流通北塞武利兩墟因車壩過多祇通竹籐載貨

小江茲(從瓦)器由小江過古笠經邑之官屯練龍府局界到邑城出南鄉

舊州墟向無遠客通商祇爲運鹽通衢每日牛車由陸屋運至墟者二三百駕由墟運往沙坪者手車四五百駕肩挑者不下千餘人有用馬駁者亦不下百數然鹽利不屬埠商祇貧人資以食力耳

## 靈山縣志

生計志

卷百壹拾

廣州黃黎巷新中華承印

沙坪江發源茶山經太平宋泰至舊墟沙坪始通舟常有駁船數百號由沙坪運鹽出平塘江口沙坪舊墟與隔江之新墟三市相距不過半里沙坪舖戶多以屯鹽爲業新墟爲橫界自咸豐亂後商業盡歸舊墟矣

上寧練新墟江常春水漲時船可直達非春水則僅到合江圍城緣自新墟至合江爲一二石灘阻碍若疎鑿建閘蓄水長年可通行矣

中寧練那路墟地處中區爲各埠孔道左通右達之商場出產以穀米爲大宗

下寧練那樓墟與廣西宣化之蒲廟墟永淳之小黎墟及邑之太平墟通商最多生意以牛爲大宗每年有八九千頭過行皆由西地販回者興盛爲西鄉之冠自光緒丁未被劫後略形減色矣

下寧練橋利墟居練內中心點爲欽州南寧往來經過之路

靈山正續志卷二十二風俗志

禮俗 軼聞

風俗

郡志舊志有風俗一門以氣候物產禮俗隸之前志改爲風土與軼聞並隸雜記專錄民生異俗茲仍郡志舊志例專立風俗一門以前志之風土改爲禮俗凡鄉曲慣習之